

Պատուաւոր քաղաքացոց մի մասը ևս չարչի-
ներից է կազմված, որոնք զանազան չնչին առար-
կաները ման են ածում գիւղերը և խեղճ գիւ-
ղացոց խաբում շէշի կտորների, ասեղների,
ուլունքների հետ փոխելով փութերով ցորեան,
գարի, իւղ, պանիր, ձու և այլն և այլն:

Գիւղացու հարստահարողների երկրորդ տեղն
են բռնում վանքերը:

Պատմական ժամանակից մնացած ամեն մի
վանքը իւր թէմն ունի, չ'կայ ոչ մի հայ գիւղ,
որ մի վանքի չը պատկանի: Գոցանից մեծ մա-
սը հայոց ազնուականներու թողած կրօնական
ջերմեռանդութեան յիշատակն են, որոնք իրանց
սեպհականութիւնքը նուիրել են զանազան վան-
քերին: Ամեն մի թէմ պարտաւորուած է իւր
աթոռը (վանքը) պահելու, այսինքն կերակրելու
նորա միաբանութեան, վճարելով պտղին, որ
բաղկացած է ցորենից, գարուց և ընդեղէններից:

ընտահարութեանց եւ աւելի շատ աղքատ են: Օրինակ
Վանայ շրջապատի Թեմար անունով գաւառը եւ Ռշտու-
նեաց գաւառի հիւսիսային մասը վասպուրականի բուլը
գաւառներումը ամենախիստ կերպով հարստահարված,
ամենից սաստիկ վտանգված աղքատներն են. դրանցից է
կազմված Վանեցի մշակների սեծամասնութիւնը: